

No a bin alivio den trafico na Playa;

TRAFICO DEN PLAYA A BIRA MAS CAOTICO

ORANJESTAD(AAN)

DOW a laga cambia cierto rutanen den centro di Playa pa asina manera cu nan mes a trece esaki pa dilanti; pa drecha e situacion y percura pa un mihor fluho di trafico den centro.

E unico alivio chiquito cu chofeman a haya den e trafico caotico den Playa ta riba e caminda cu ta core tras di Sonesta bay direccion pa e terminal nobo di bus.

E caminda aki awor ta ser uza cu dos auto por core banda di otro, compara cu antes cu ta un fila di auto so por a move riba e caminda debi na autonan staciona riba un banda di e caminda.

E caminda di rotonde di Seroe Blanco bay direccion di e crusada caminda Piet ta keda, a bira un dolor di cabez pa automobilistanan.

Casi henter mainta pa merdia ta un fila largo di auto tin para riba e caminda di direccion Pariba bay Pabao.

Motibo pa cual e trafico ta tranca riba e caminda aki ta cu e caminda Emanstraat a ser cambia di direccion.

Tur hende cu antes tabata haci uzo di e caminda Emanstraat pa asina nan drenta Playa, awor ta haya nan mes ta pasa via e caminda di Seroe Blanco bay abao cu consecuencia cu e caminda aki a haya mas cu doble cantidad di auto cu tabata circula normal-

mente.

Riba e caminda di rotonde Seroe Blanco bay abao ta keda tres school y debi na esaki e trafico ya caba den oranan di mainta y merdia tabata hopi tranca relaciona cu buscamiento y hibamento di muchanan school.

Si mester compara e cantidad di auto cu ta uza e caminda di rotonde Seroe Blanco bay Pabao compara cu e cantidad di auto durante e mesun oranan di hopi fluho di trafico, den Emanstraat tin relativamente menos auto ta circula cu riba e caminda mencionada.

Kico DOW a logra awor door di cambia e ruta di Emanstraat pa trafico circula di Pabao bay Pariba?

DOW mes no a ripara cu riba e caminda di rotonde Seroe Blanco cos ta tranca pisa di mainta tempran pa te despues di 3'or di merdia y riba e caminda di Emanstraat tin menos auto ta circula?

LOTTO TA BISA CU TE AINDA NAN NO A HAYA PLACA DI SINBAD

ORANJESTAD(AAN) Despues cu ministro Tico Croes a declara ayera via medionan di comunicacion cu e placa cu Sinbad mester a paga na Lotto ya caba a ser pasa pa Lotto, e Fundacion Lotto pa Deporte a laga sa cu esaki no ta berdad.

Den un carta cu Lotto a manda pa ministro Beke, e fundacion ta haci un suplica pa ministro Beke intermedia den e caso aki, pa asina Lotto pa Deporte por haya e suma di 100.000 dollar Mericano cu mester a ser paga pa e festival di Sinbad cu a tuma lugar.

Te cu ayera Lotto no a haya e-placa y ta pesey nan a reaccion a cu asombro riba declaracionnan di ministro Tico Croes cu a laga sa cu e placa di Sinbad a ser paga caba.

Kizas pa dialuna awor ministro Tico Croes por bay ranca na oreo di algun hende cu no a cumpli cu nan trabao y no a percura pa e placa ser manda manera cu e ministro a bisa, basa riba informacionnan cu nan a suministra na su persona.



Fundacion Lotto pa Deporte Aruba

Fergusonstraat z/n Aruba, Dutch Caribbean

Tel. 27555 / 27506 / 27485 / 29774 / 29775 - Fax. 28759

Aan: Hare Excellentie
de Minister van Volksgezondheid,
Sociale Zaken, Cultuur en Sport
Bestuurkantoor
Alhier

Oranjestad, 13-02-1998

Betref: betaling Sinbad Festival

Excellentie,

In tegenstelling tot wat de Minister van Economische Zaken op 12 februari jl. publiekelijk verklaarde, betreffende de betaling voor het gebruik van het Stadion tijdens het afgelopen Sinbad muziek Festival heeft de Fundacion Lotto pa Deporte tot op heden nog niets ontvangen van het Ministerie van Economische Zaken.

Van het Ministerie van Vervoer en Communicatie werd het overeengekomen bedrag reeds ontvangen.

Wij verzoeken Uwe Excellentie te willen bemiddelen zodat de Fundacion Lotto pa Deporte de haar toegezegde US \$ 100.000,00 spoedigst ontvangt. Dit voor het ter beschikking stellen van het stadion G. P. Trinidad vanaf 15 mei 1997 tot en met 31 mei 1997 aan het Land Aruba, ten behoeve van het Sinbad muziek Festival.

Uw medewerking in deze zal zeer op prijs gesteld worden.

Met vriendelijke groet

Fundacion Lotto pa Deporte Aruba

MANCHI ENGELBRECHT A TUMA SU RETIRO

ORANJESTAD(AAN) Segun informacionnan cu DIARIO a haya, Manchi Engelbrecht a tuma oficialmente su retiro como parlamentario.

Pa dialuna awor Duke Croes lo bay entrega su credencialnan pa asina e bira parlamentario na lugar di Manchi Engelbrecht.

Esaki ta encera cu si AVP no bay forma un gobierno cu MEP o OLA, Manchi no lo bolbe den parlamento.

COS TA BON!!!

